



**Ivlii Cæsarisi|| Scaligeri|| Epistolæ|| &|| Orationes||**

**Scaliger, Julius Caesar**

**Lugduni Batavorum, 1600**

Ad Franciscvm Nomparem Cavlmontiorvm Regvlvm Præfatio in \*\*\* nomine  
amici XCI.

---

[urn:nbn:de:hbz:466:1-70455](https://nbn-resolving.de/urn:nbn:de:hbz:466:1-70455)

AD FRANCISCVM NOMPAREM  
CAVL MONTI ORVM REGVLVM  
*Prefatio in* \* \* \* nomi-

*ne amici* XC I.

CIVILIS sapientiæ partē, Francisce Caulmonti , meliorem nemo vñquam censemtur assequutus, quam is , qui abs sese perfecti negotii memoriam repetita cogitatione contemplatur. Nam tametsi pœnitentiæ potius , quam consiliis videtur esse relictus locus, tamen vel benegestæ prouinciæ iucunda recordatione fruimur , perfunctis nobis opere quopiam gloriæ , vel obiectis animaduersiōnibus ad futuras actiones euadimus attentiores. Cum enim animi nostri duo sint officia , vnum rectum, quo ducimur ad aliquid faciendum, hoc pene totum cum cæteris animantibus habemus natura commune. altero vero, quo mentis vim reflectimus in opus suum, Diis immortalibus persimiles sane sumus. Neque enim opifex ille , cuius nutu hæc omnia facta sunt, vt ea faceret fecit, sed vt illis factis magnitudinis luce demum fructum caperet ex se ipso. Id quod mihi quoque consideranti res diuina , Caulmonti, cum esset visa , nihil a me vel inchoatum vñquam

vnquam existimauit, nisi quod etiam post supremam manum per me ipsum nihilo secius de integro recognosceretur. Quod si in cæteris functionibus laudabile atque expetendum est, tum in prouincia literaria summa ope curandum est, ut qui aliorum commoditatibus sapientiæ nomine excubamus, ne nobis ipsi maxime diuina in re defuisse videamur. Quare quæ olim opera in iure ciuili posita fuerat, cum ad popularium usum nostrorum, Solonis, aliorumq. more contulisset, quanquam eo studio doctis viris satisfecisse & proposito & debito visus essem, non antea tamen illis fidem habere institui, quam mihi met persuaderem aliquid confecisse. Id vero qui fieri potuit sine depulsione suspicionis, quæ me vellicaret assidue, quasi quippiam omissem? Aggressus igitur denuo priores libros nostros tanquam alienos ad eiusmodi iudicium reuocaui, quo non tam querere pro opera laudem, quam pro dignitate viderer effugere vituperationem. Ita diligenter omnia exsequutus dedi operam sedulo, ut explerem animum eruditiorum, qui ne bonis quidem acquiescunt, si intra suam magnitudinem depræhenderentur. Quæ omnia ad te mittere constitui, Franciscæ Cau-  
monti,

monti , ut cuius & animus & facta vetus-  
me potentiss. que familiæ nomen ac meri-  
ta vel etiam illustraret , præses essem eorum  
præceptionum , quæ ut gentium populo-  
rumque consensionibus ad vitæ præsidium  
proditæ sunt, ita principum gratia atq. po-  
tentia ad sui conseruationem opus habent.  
Nam maiores tui cum Anglorum exerciti-  
bus terribiles, Regibus fuere formidabiles,  
tum subditis populis adeo benigni , ut ab  
aliis bella geri , ab aliis exerceri bellis parta  
conseruataque imperia viderentur. Itaque  
tametsi rarum est, neque vulgare, originem  
trahere a regibus, tamen diuinum illud sit  
potius, Reges ipsos & facere & tueri. Vete-  
ris enim Aquitanici imperii sine vobis ne-  
que facta est cupiam accessio, neque man-  
sit ipsum , cui vos pro præsidio non man-  
retis. Quas virtutes cum Dei beneficio hic  
nunc imitari tibi non fuerit necesse, cæteris  
omnibus in bellis re ipsa ostendisti omnem  
gloriæ occasionem & minorem esse animo  
tuo, & factis tuis inferiorem: ut quam tu il-  
lam aut audacter quæreres aut feliciter ex-  
optares, tam libenter illa tibi offerre sese at-  
que dare prædicaretur. Quis enim hostes  
nostros vidit, vbi tu non es? quis redi-  
tas inuasionses, impressiones, clades sine te,

fra-

fratribusq. tuis fortissimis? sed opinor elatus ea magnitudine durum te præbes populis tuis, inferiores despicias, pares contemnis. Haud ita est. Te re magnum, opinione tua pusillum, comparatione quantum nobilitas, dignitas, opes tuæ exigebant, semper existimasti. Ita cum rara ac mirifica fortitudine morum lenitatem coniunxisti, ut pro te ac tuis solum, non aduersum quempiam natum indoles ac natura tua profiteatur. Literarum vero atque eloquentiæ studia, quoad vero principi liceat, tantum es assequutus, ut ambiguum sit, quid efficacius in te admireremur, prudentiamne ciuilem compositam cum exercitatione militari, an rerum negotiorumque intellectiōnem vel quotidianis sermonibus, vel mundiore oratione conceptam atque expressam. Quo factum est, ut cum tu & tibi & aliis lex non scripta existas, legum nostrarum, quæ sunt meis conscriptæ commentariis, patronum merito futurum arbitratus sim. In quibus supremam demum manum a me impositam sperem, si tibi perfecta esse visa fuerint.

AD